



**O'ZBEKISTON RESPUBLIKASI VAZIRLAR MAHKAMASINING
QARORI**

20 21 yil « 6 » oktabr

№ 623

Toshkent sh.

**Ўзбекистон Республикаси Ҳукуматининг айrim қарорлариغا
ўзгартириш ва қўшимчалар киритиш тўғрисида**

(Ўзбекистон Республикаси Президентининг “Фуқаро авиацияси корхоналарини трансформация қилиш ва қўллаб-қувватлаш чоратадбирлари тўғрисида” 2021 йил 30 апрелдаги ПҚ-5100-сон қарори)

Ўзбекистон Республикаси Президентининг “Фуқаро авиацияси корхоналарини трансформация қилиш ва қўллаб-қувватлаш чоратадбирлари тўғрисида” 2021 йил 30 апрелдаги ПҚ-5100-сон қарорига мувофиқ, шунингдек, “Шовот-Қораўзак янги темир йўл линиясини ҳамда Амударё устидан ўтувчи темир йўл ва автомобиль йўли қўшма кўпригини қуриш” инвестиция лойиҳасини ўз вақтида ва муваффақиятли амалга ошириш мақсадида Вазирлар Маҳкамаси қарор қиласди:

1. Ўзбекистон Республикаси Ҳукуматининг иловага мувофиқ айrim қарорлариغا ўзгартириш ва қўшимчалар киритилсин.

2. Ўзбекистон Республикаси Транспорт вазирлиги бошқа манфаатдор вазирликлар ва идоралар билан биргаликда ўzlари қабул қилган норматив-хуқуқий хужжатларни бир ой муддатда ушбу қарорга мувофиқлаштирсин.

3. Мазкур қарорнинг бажарилишини низорат қилиш Ўзбекистон Республикаси Бош вазирининг биринчи ўринбосари А.Ж. Раматов, Ўзбекистон Республикаси транспорт вазири И.Р. Махкамов ва Ўзбекистон Республикаси молия вазири Т.А. Ишметов зиммасига юклансин.

**Ўзбекистон Республикасининг
Бош вазири**



А. Арипов



Вазирлар Маҳкамасининг
2021 йил “6” октябрдаги 623-сон қарорига
илова

Ўзбекистон Республикаси Ҳукуматининг айрим қарорларига киритилаётган ўзгартириш ва қўшимчалар

1. Вазирлар Маҳкамасининг 2020 йил 14 майдаги 283-сон қарори билан тасдиқланган Ташқи савдо операциялари амалга оширилиши мониторингини олиб бориш ва назорат қилиш тартиби тўғрисидаги низомда:

а) 27-банднинг еттинчи хатбоиси қуйидаги таҳтирида баён қилинсин:

“асбоб-ускуналар ва (ёки) бутловчи буюмлар етказиб бериш бўйича импорт контрактлари шартларида асбоб-ускуналар ва (ёки) бутловчи буюмларни етказиб бериш, шу жумладан уларни узоқ муддатли ижарага бериш муддати уларнинг техник хусусиятлари ва ўзига хослигидан келиб чиқсан ҳолда 180 календарь қундан ортиқ белгиланган бўлса”;

б) 1-илованинг 3-бандида:

қуйидаги мазмундаги йигирма бешинчи ва йигирма олтинчи хатбошилар қўшилсин:

“20 – лизинг асосидаги экспорт шартномалари;

21 – лизинг асосидаги импорт шартномалари.”;

йигирма бешинчи хатбоши йигирма еттинчи хатбоши деб ҳисоблансин.

2. Вазирлар Маҳкамасининг “Маҳаллий ишлаб чиқарувчиларни қўллаб-куватлаш чора-тадбирлари тўғрисида” 2021 йил 29 январдаги 41-сон қарорига 2-илованинг изоҳига қуйидаги мазмундаги хатбоши қўшилсин:

“Мазкур рўйхат ҳаво кемалари ва авиадвигателларга техник хизмат кўрсатиш ва таъмирлашда қўлланиладиган ҳамда олиб кириладиган бутловчи ва эҳтиёт қисмлар, деталлар ва сарфланадиган материаллар (тўқимачилик маҳсулотлари бундан мустасно)га нисбатан татбиқ этилмайди”.